

五禮通考

第十一
卷

五禮通考卷第二百四十四

內廷奉禮部侍郎金匱纂纂編輯

翰林院侍讀學士嘉慶壬午

參校

李森德纂纂鄧桐城方觀承同訂

直隸按察司副使元和宋完

軍禮十二

馬政上

蕙田案馬者國之大用故政官以司馬名之
重其事也考古天子之馬有二一曰國馬亦
曰王馬一曰民賦之馬民賦者并邑邱甸中
所出戎馬一甸出戎馬四匹畿內提封萬井
出戎馬四萬匹是皆民養之平日有軍旅則
賦之故曰萬乘千乘百乘此軍政也國馬則
天子使人自養之周禮校人以下趣馬牧師
廋人圉師及馬質等皆以養馬爲職其事則

牧之有地聚之有廩孳息有候阜育有方制
馭有法勞逸有節所以養之教之盡物之性
以供國之用者皆馬政也自井田法廢馬不
賦于民而盡養于官漢唐以來言馬政者日
亟其盛衰得失之由關於軍國者鉅矣故詳
述其源流以備考鑒

周禮夏官校人掌王馬之政

注政謂差擇養乘之數也月令曰頒馬
政疏辨六馬是差擇也頒良馬而養

乘是養乘也馬政
謂齊其色度其力

呂氏

曰自黃帝堯舜觀象立制服牛乘馬自此馬始爲用考三代之制天子

萬乘諸侯千乘大夫百乘立國制賦之法莫不以馬爲本所以乘馬之法在古

最爲精密然大而天子次而諸侯下而大夫乘馬之數多寡不同細考當時之

數所謂牧養之馬有養之于官有藏之于民如邱甸歲取一匹之類皆是藏之

于民不仰國家芻秣如有事田獵征伐臨時徵召在天子之

都諸侯之國大夫之家未嘗不自蓄馬此是養之于官者

蔡氏德晉曰兵政莫急于馬故校人爲政官重職而以中大夫爲之校人所養

皆公家之馬萬有餘匹自路馬而外凡卽衛兵衛從王師田巡狩者皆當以此

給之

也

蕙田案馬政之利病多矣然其要必在民馬
與官馬分而其法始經久而無弊何則兵之
所資者民馬也兵眾則馬亦眾非賦于民其
何以給故三代之時俾人自養其馬則馬得
所養而國無養馬之費此民馬之不可以官
與焉者也國之所用者王馬也王馬之所任
者國事非養于官何以爲政故校人以下俾
官共養吾馬則馬得蕃息而民無養馬之累
若官馬而以民與之則爲戶馬爲保馬爲括
馬而其害不可勝言矣此校人職特著明曰
王馬之政可知民馬之無與于官官馬之不
資于民而馬政之大綱舉矣

易坤象傳牝馬地類行地无疆

繫辭傳服牛乘馬引重致遠以利天下蓋取諸隨

蕙田案以上二條言馬之用

說卦傳乾爲馬

疏乾象天行健故爲馬也

項氏安世曰造化權輿云乾陽物也馬故蹄圓坤陰物也牛故蹄拆陽病則陰故馬疾則臥陰病則陽故牛疾則立馬陽物故起先前足臥先後足牛陰物故起先後足臥先前足

爲良馬爲老馬爲瘠馬爲駁馬

疏良馬取其行健之善也老馬取其行健之久也瘠馬取其行健之

甚瘠馬骨多也駁馬有牙如鋸能食虎豹取其至健也

震其於馬也爲善鳴爲馵足爲作足爲的顙

疏善鳴取其象雷聲之遠聞也

馬後足白爲馵取其動而見也作足取其動而行健也的顙白顙爲的顙亦取動而見也

坎其於馬也爲美脊爲亟心爲下首爲薄蹄爲曳

疏美脊取其陽

在中也亟急也取其中堅內動也爲下首取其水流向下也爲薄蹄取水流迫地而行也曳取水摩地而行也

崔氏憬曰內陽剛動故爲亟心

蕙田案以上馬取象

周禮夏官校人辨六馬之屬種馬一物戎馬一物齊馬

一物道馬一物田馬一物駑馬一物注種謂上善似母者以次差之玉路駕種馬戎路駕

戎馬金路駕齊馬象路駕道馬田路駕田馬駑馬給宮中之役

鄭氏鍔曰種馬者馬之最善育其種類使生生不窮

馬質馬量三物一曰戎馬二曰田馬三曰駑馬

蔡氏德晉曰戎馬以即戎田馬以出獵駑馬以供元役之用

高氏愈曰校人職馬有六種而此止言三物者蓋種馬不常有齊馬道馬皆玉所乘以給臣民之用者唯三物而已

庾人馬八尺以上為龍七尺以上為驂六尺以上為馬

王氏應電曰八尺以上天子以荷五路者月令所謂駕驂龍也七尺以上諸侯之上駟詩所謂駉牝三千也六尺以上常馬耳

蕙田案後世論馬皆以尺計蓋本此

詩魯頌駟駟牡馬在坰之野薄言駟者有驕有皇有

驪有黃以車彭彭思無疆思馬斯臧傳駟駟良馬腹幹肥張也驪馬白跨曰驪黃白曰皇

純黑曰驪黃駢曰黃

駟駟牡馬在坰之野薄言駟者有騅有駟有騂有騄以

車伾伾思無期思馬斯才傳蒼白雜毛曰騅黃白雜毛曰駟赤黃曰騂蒼白曰騄

駟駟牡馬在坰之野薄言駟者有騅有駟有騂有騄以

車釋釋思無斃思馬斯作傳青驪驪曰騅白馬黑鬣曰騄赤身黑鬣曰騂黑身白鬣曰騄

駟駟牡馬在坰之野薄言駟者有騅有駟有騂有騄以

車祛祛思無邪思馬斯徂傳陰白雜毛曰駟彤白雜毛曰駟豪駟曰騅二目白曰魚

御風定之方中駟牝三千箋國馬之制天子十有二閑馬六種三千四百五十六匹邦國六閑馬四種千二百

九十
六匹

禮記明堂位夏后氏駟馬黑鬣殷人白馬黑首周人黃

馬蕃鬣

爾雅釋畜駟駟馬野馬駟如馬倨牙食虎豹駟駟趼善

陞駟駟枝蹄趼善陞駟小領盜驪絕有力駟膝上皆

白惟驪四駟皆白驪四駟皆白首前足皆白駟後足皆

白狗前右足白啟左白蹄後右足白驤左白鼻驪馬白
腹驪驪馬白跨驪白州驪尾本白騶尾白駟駟白顛
白達素縣面頰皆白惟駟回毛在膺宜乘在肘後減陽
在幹弗方在背闕廣逆毛居駟駟駟駟駟駟駟駟駟駟
曰騶牝曰駟駟白駟黃白驪駟馬黃脊駟驪馬黃脊驪
青驪駟青驪駟驪青驪繁鬣駟驪白雜毛鵠黃白雜毛
駟陰白雜毛駟蒼白雜毛駟彤白雜毛駟白馬黑鬣駟
白馬黑唇駟黑喙駟一目白眊二目白魚

注駟駟山海經云北海有獸狀如馬

名駟駟色青野馬如馬而小出塞外駟山海經云駟如白馬黑尾音如鼓食虎豹
駟山形似獸上天下小駟蹄蹄如趾而健上山秦時有駟蹄苑駟駟亦似馬而牛
蹄穆天子傳曰天子之駟盜駟駟耳又曰右服盜駟盜駟千里馬駟駟馬高八尺
駟膝下也首俗呼為踏雪馬駟左傳曰駟服左白前左腳白右白後左腳白易曰
震為鼻足駟赤色黑鬣駟黑色跨髀間州駟尾本白尾株白尾白但尾毛白駟顛
戴星馬也素鼻莖也俗所謂漫體徹齒頰額回毛在膺樊光云俗呼之官府馬伯
樂相馬法旋毛在腹下如乳者千里馬駟幹脊皆別旋毛所在之名逆毛馬毛逆刺
駟牝詩云駟牝三千馬七尺以上為駟見周禮元駟小馬別名裏駟耳或曰此即
腰裏古之良馬名騶今江東呼駟馬為騶駟草馬名駟駟詩曰皇駟其馬駟駟皆
背脊毛黃駟今之鐵駟驪色有深淺斑駟隱駟今之連錢駟禮記曰周人黃馬繁

鬣繁鬣兩破毛或云美鬣鬣鳴今之烏騄騄今之桃花馬陰淺黑今之泥騄騄詩
曰有騄有騄騄即今之赭白馬形赤禮記曰夏后氏駉馬黑鬣騄今之淺黃色者
爲騄馬魚似魚目也詩曰有騄有魚

論語驥不稱其力稱其德也

伯樂相馬經馬頭爲王欲得方目爲丞相欲得光脊
爲將軍欲得強腹脇爲城郭欲得張四下爲令欲得
長眼欲得高有紫艷光鼻孔欲得大鼻頭有王火字
膺門欲開汗溝欲深口中欲得赤權頰欲滿如月膝
骨圓而長耳欲得相近而前豎小而厚膺門馬前胸汗溝馬中脊也又
曰伏龍骨欲得成頸欲得長雙趺欲得大而突蹄欲
得厚腹下欲得平有八字尾骨欲得高而垂眼下懸
蠶懸鑿欲得成

琿雅舊說相馬眼欲得有紫艷口欲得有紅光上脣
欲得緩下脣欲得急上齒欲鉤鉤則壽下齒欲鋸鋸

則怒耳欲如劈竹睛欲如懸鈴頭欲高如剝兔項欲起如飛龍又曰人眼鳥目鹿背麟腹虎胸龜尾擎頭如鷹垂尾如彗又曰望之大就之小筋馬也望之小就之大肉馬也前視見目傍視見腹後視見足駿馬也毛束皮皮束筋筋束肉肉束骨五者兼備天下之馬也又曰口中紅白間色者壽鼻中紅色如朱點書者壽眼中赤色如字形者壽

齊民要術耳小識人意鼻大則能奔目大則猛利不

驚目四滿則朝暮健腎欲得小廉腹小則易養致瘦

欲得見其肉謂前肩守肉致肥欲得見其骨謂頭顱龍顙突目平

脊大腹胫重有肉此三事備者亦千里馬也膝臂腕也頷下

欲深嗣骨欲廉如織杼而闊又欲長頰下側八骨是牙欲去齒

一寸牙劍鋒則千里額欲方平鬣欲戴中骨高二寸

鬻胸欲直而出頸骨欲大背欲短而方脊欲大而抗

肱筋欲大

夾脊筋也

三府欲齊

兩腋及中骨也

附蟬欲大

夜眼也

肘後欲開

髀骨欲短兩肩骨欲深蹄欲厚三寸硬如石下欲深

而明其後開如鷁翼能久走

國憲家猷汗溝欲深入如斬竹口中色如日月光者

行千里口中有黑者曰銜烏短壽白額入口名梅雁

一名的盧

安驥晝頭宜少肉如剥兔頭口中欲鮮明舌欲方而

薄長而大如朱

相馬經馬生下墮地無毛行千里尿舉一腳行五百

里蘭筋豎者千里旋毛在腹下如乳者千里膝如團

麴三軍莫逐但知所發不知所宿一云蹄團如麴目

成人者行千里

一筋從元中出謂之蘭筋元中者目上陷如井字目成人者瞳子中人頭足皆見

國策張儀曰秦馬之良探前跂後蹄間三尋

三尋三尺也

海客日談凡善走之馬前蹄之痕印地則後蹄之痕反在前蹄之先謂之跨竈馬蹄之下有兩空處名曰

竈門

全雅馬之駿者溺皆射前足

列子伯樂對秦穆公曰良馬可以形容筋骨相也天下之馬若滅若沒若亡若失若此者絕塵弭蹶臣有所與九方臯其相馬非臣之下也公使行求馬三月而反報曰已得之在沙邱公曰何色對曰牝而黃往取之牡而驪公曰物色牝牡尚弗能知何馬之能知伯樂曰若臯之所觀天機也得其精而忘其粗在其內而忘其外馬至果天下之馬也

若滅若沒若忘若失言恍惚而不可以形求也

集異記甯王得二馬其一價一千緡一五百緡坐客

五福集卷三
觀之不相上下莫測其價之懸殊甯王令驗之馳驅
數四乃顧千緡者曰此馬緩急百返蹄下不起纖塵
復顧五百緡者曰此馬往來十過足下頗生塵埃以
此品其高下焉

相馬經凡相馬之法先除三羸五駑乃相其餘大頭
小頸一羸弱脊大腹二羸小脰大蹄三羸五駑者大
頭緩耳一駑長頸不折二駑短上長下三駑大骼短
脅四駑淺體薄髀五駑

國憲家猷秣馬之法必視其齒厯勞逸而調息之馬
四年而兩齒五年而四齒六年而六齒成矣七年而
右一齒缺八年而上下兩邊各一齒缺九年而上下
盡缺十年而下兩齒齟十一年而下四齒齟十二年
盡齟十七年上四齒齟十八年盡齟十九年上兩齒

平二十年以上四齒平年之長少惟馬齒最準故人自謙曰犬馬之齒長矣

和馬經馬一歲上下齒二十四歲齒黃三十四歲齒落不復出

馬經釋義案內經頭爲諸陽之首具五官通七竅六腑清陽之氣五藏精華之血皆會於頭故庭闕宜張蕃蔽欲見心氣通舌心主血也肝氣通目肝主筋也脾氣通口脾主肉也肺氣通鼻肺主氣也腎氣通耳腎主骨也腰脊者身之大關節也腹脅者臟腑之郭也膺門者氣海之所藏也跂脛者所以管趨翔也又五臟六腑之精氣皆上注於目而爲之精精之窠爲眼骨之精爲瞳子腎所屬也筋之精爲黑眼肝所屬也血之精爲絡心所屬也其窠氣之精爲白眼肺

所屬也肌肉之精爲約束脾所屬也

蕙田案以上辨馬之名物

周禮夏官校人凡頒良馬而養乘之乘馬一師四圉三
乘爲皐皐一趣馬三皐爲繫繫一馭夫六繫爲廐廐一
僕夫六廐成校校有左右駑馬三良馬之數麗馬一圉
八麗一師八師一趣馬八趣馬一馭夫

注良善也善馬五路之馬鄭司農云四匹爲乘

養馬爲圉故春秋傳曰馬有圉牛有牧元謂二耦爲乘師趣馬馭夫僕夫帥之名也趣馬下士馭夫中士則僕夫上士也自乘至廐其數二百一十六匹易乾爲馬此應乾之策也至校變言成者明六馬各一廐而王馬小備也校有左右則良馬一種者四百三十二匹五種合二千一百六十匹駑馬三之則爲千二百九十六匹五良一駑凡三千四百五十六匹然後王馬大備麗耦也駑馬自圉至馭夫凡馬千二十四匹與三良馬之數不相應八皆宜爲六字之誤也師十二匹趣馬七十二匹則馭夫四百三十二匹矣然後從而三之既三之無僕夫者不駕於五路卑之也

鄭氏鍔曰養之莫其繁盛乘之莫其調良乘馬一師而四圉之則牧馬之僕也師則教圉以養乘之法也四馬爲一圉則養之必專四圉爲一師則教之必密合三乘爲十二匹則同一皐傳曰牛驥同皐皐言皐隸之所掌也合三皐而三十六匹則同一繫繫則繫屬而不散之義合六繫而二百一十六匹則同一廐廐則數至于此而已終既也先儒謂乾之策二百一十有六于易乾爲馬天子之馬應爻之策其數盡于此故以廐名之合六廐而成一校而六廐又分爲左

右則十
二閑矣

王氏應電曰舊說謂駕馬一千二百九十六匹是駕馬爲良馬三之一非三良馬之數矣八麗十六匹一圉師教之八師一百二十八匹也一趣馬督之八趣馬一千二十四匹也一馭夫領之止于馭夫而不屬於僕夫者以駕馬止充雜用而不當王之五路也凡七馭夫爲馬七千一百六十八匹則與三良馬之數略相當矣

蔡氏德晉曰一千二百四十匹而一馭夫自師至馭夫皆以八登之則有八馭夫可知矣然則合天子良馬駕馬之數計之共得馬一萬七百八十四匹而民間之馬不與也舊解誤

王氏昭禹曰良馬自圉師至于校人則以中大夫爲之其官爲弱尊駕馬自圉師至馭夫而止者以其材下于良馬故掌養乘之者兼其數而掌其事則官至于中士之馭夫而已蓋入趣馬則一馭夫掌之亦兼總于校人矣

等馭夫之祿宮中之稍食

廷馭夫于趣馬僕夫爲中舉中見上下稍食師圉府史以下

廋人正校人員選

廷校人謂師圉也正員選者選釋可備員者平之

王氏應電曰馭夫而下可以備員于校人而申其選者廋人差而正之也

蕙田案以上畜馬官職祿食及選舉之政

校人天子十有二閑馬六種邦國六閑馬四種家四閑

馬一種

注降殺之差每廐爲一閑諸侯有齊馬道馬田馬大夫有田馬各一閑其駕馬則皆分爲三焉

蔡氏德晉曰十二閑良馬四閑三廐爲一閑駕馬八閑每馭夫爲一閑也邦國諸侯之國六閑良馬二閑駕馬四閑也四種無種馬戎馬也家天子公卿之家四閑二種田馬一閑駕馬三閑也

又曰邦國六閑良馬二閑爲一千二百九十六匹駕馬四閑爲四千九十六匹合計之當得五千三百九十二匹衛文公駮牝三千齊景公有馬千駟未嘗過制也而陳用之譏其僭侈踰禮亦考之不詳矣

鄭氏鏐曰周制自上而下禮之降殺各以兩獨諸侯之於天子不止於兩而已天子六軍諸侯則三軍天子之馬十二閑諸侯則六閑其降殺不止於兩者爲其地近而嫌也故曰成國半天子之軍則馬之閑半乎天子豈不宜哉天子法天之大數故馬六種分爲十二閑諸侯馬四種分爲六閑半天子之制也大夫有田馬駕馬二種分爲四閑又半諸侯也以司馬法論之甸方八里有戎馬四匹長轂一乘大夫采地四